



МОНГОЛ УЛС
БАЯНХОНГОР АЙМГИЙН ЗАСАГ ДАРГЫН
ЗАХИРАМЖ

2019 оны 01 сарын 29 өдөр

Дугаар А/39

Номгон

Татварын хууль тогтоомжийн хэрэгжилт,
бүртгэл мэдээлэл, татвар хураалтын ажлыг
эрчимжүүлэх тухай

Аймгийн хэмжээнд татварын бааз суурийг нэмэгдүүлэх, холбогдох хууль тогтоомжийн хэрэгжилтийг хангах, татвар төлөгчийн мэдээллийн зөрүүг арилгаж татвар хураалтын ажлыг эрчимжүүлэх зорилгоор Монгол Улсын “Засаг захиргаа, нутаг дэвсгэрийн нэгж, түүний удирдлагын тухай” хуулийн 29 дүгээр зүйлийн 29.1.1 “е” заалтыг үндэслэн ЗАХИРАМЖЛАХ нь:

1.Татварын хууль тогтоомжийн хэрэгжилт, бүртгэл мэдээлэл, татвар хураалтын ажлыг сайжруулах бааз суурийг нэмэгдүүлэх чиглэлээр татварын нэр төрөл тус бүрээр сар, улирлаар төлөвлөгөө гарган биелэлтэд хяналт тавьж ажиллахыг Санхүү, төрийн сангийн хэлтэс /С.Байгалмаа/, Татварын хэлтэс /С.Рэнцэндагва/-т тус тус үүрэг болгосугай.

2.Дээрх төлөвлөгөөг хэрэгжүүлэхэд дэмжлэг үзүүлэн хамтран ажиллахыг Мэргэжлийн хяналтын газар /Н.Бямбадорж/, Цагдаагийн газар /Ц.Анхбаяр/, Байгаль орчин, аялал жуулчлалын газар /Б.Бат-Өлзий/, Бөөнцагаан-Орог нуурын сав газрын захиргаа /Г.Жавхлан/, Газрын харилцаа, барилга, хот байгуулалтын газар /Т.Норов/, Улсын бүртгэлийн хэлтэс /Ц.Мөнхжаргал/, Авто тээврийн төв /С.Амармөнх/, сумдын Засаг дарга нарт тус тус үүрэг болгосугай.

3.Захирамжийн хэрэгжилтэд хяналт тавьж ажиллахыг аймгийн Засаг даргын нийгмийн бодлогын асуудал хариуцсан орлогч /М.Мөнхбат/-д даалгасугай.

ДАРГА



Г.БАТЖАРГАЛ